

奉別

鈞暉斗柄已週引領

蒼雲瞻依彌切然光風霽月無時不縈懷抱也恭維  
慶集端陽

禧迎重午屆

日麗風薰之候擷

榴紅艾碧之華

節序多欣定享臆頌

熙

遊醫武林昔曾擾呈



左右可無再稟現此蒲月十日招集生徒教授醫學  
負笈來者祇竹林之數且來診者亦屬廖廖然  
此惟有望於將來以成素志也其餘一切依然故我  
惟是賤軀粗安堪慰

斗照耳肅此佈聞敬請

臺安並附趣意書一枚奉呈

清歷蒲月二十三日

渡邊熙頓首

大隈重信 殿 閣 下

中國醫學發明於黃帝之時距今蓋四千餘年矣日本傳其術行之亦二千餘年僕家世受其學祖若父究心於此者既深且久夙聞各大家之所授受大概總不出醫者意也之一語夫意以施醫此實醫理極深醫學極高者神而明之大而化之一境若醫學醫理未至於極深極高之境惟襲乎醫者意也之皮毛則無怪死於病者十一而死於醫者十九也

先君夙知其弊思有以矯正之會 明治維新泰西醫學輸入乃命僕習其業始習理學化學二科而人身生活之故萬物之理草木金石諸品性瞭然於胸中繼學生理解剖諸科而人身內外部位臟腑皮膚神經諸作用燦然於眉睫最後學內外診斷諸法學既成懸壺問世二十餘年不敢曰無死於病者然死於鄙人之醫者敢斷其無一人矣去年仲夏遊歷中國至杭州察業醫者大率仍囿於醫者意也之舊習杭州如是他省可知願念同洲同種之誼慨然思以救我國者轉而救我鄰國乃設醫局於杭之城頭巷舊時風習浸浸乎有轉移之機然中國大矣僕一人之力所濟有限今擬就已設醫局附立醫學堂一所以僕所學餉中國之願為醫者更聘敝國精於醫學者為教習以輔予之不逮倘能革盡中國轉近以意為醫之惡習俾四萬萬同種同洲之人咸造康強逢吉之樂土以聊盡敝國報本反姑之微忱是則區區之所默禱也有能從吾遊者乎僕不敏願為先路之導矣

大日本 渡邊 熙 謹啓

東京早稲田

大

隈

重

信

殿



閣

下



清國杭州

渡邊 熙

